


TARIKH	2 JANUARI 2026 (JUMAAT)	SURATKHABAR	BH / UM / NST / TS / HM / KOSMO
TAJUK ARTIKEL	MISTERI OBJEK 500KG DARI ANGKASA		
M/S	5 (LOKAL)	KATA KUNCI	SPACE DEBRIS, AELB, NENASI
BIDANG	MOSTI		



SERPIHAN objek disyaki jatuh dari angkasa ditemukan di persisiran pantai di Pekan, Pahang.

Misteri objek 500kg dari angkasa

Pekan: Serpihan objek disyaki jatuh dari angkasa ditemukan di kawasan pantai Kampung Tanjung Nenasi di sini.

Ketua Polis Daerah Pekan, Superintendan Mohd Zaidi Mat Zin berkata, pihaknya menerima laporan berkenaan penemuan objek itu daripada pegawai Kementerian Sains, Teknologi Dan Inovasi (MOSTI) jam 5 petang, kelmarin.

Menurutnya, berdasarkan siasatan awal MOSTI objek itu disyaki jatuh di laut dan dihanyutkan arus ke pantai terbabit.

Katanya, panjang serpihan itu 4.26 dan lebar 3.64 meter serta terdapat teritip iaitu sejenis hidupan marin

melekat di sekeliling objek itu.

"Bahagian Penguasa Angkasa, MOSTI, Jabatan Tenaga Atom Malaysia dan Agensi Angkasa Malaysia sudah menyasat penemuan objek itu.

"Hasil siasatan dan ujian dilakukan agensi terbabit mengesahkan objek itu bebas daripada sebarang radiasi.

"Pegawai agensi terbabit sudah memindahkan sementara objek itu ke Balai Polis Nenasi," katanya.

Mohd Zaidi berkata, agensi terbabit akan mengambil objek itu untuk siasatan lanjut.

Katanya, orang ramai yang menemui serpihan

objek seperti itu diminta menghubungi pihak berkuasa untuk tindakan lanjut.

Berat serpihan itu dianggarkan mencecah 500 kilogram.

Media sebelum ini melaporkan tiga satelit milik China pernah terjatuh antara 2018 dan 2022.

Serpihan objek itu dilaporkan pernah dijumpai di beberapa lokasi termasuk Lautan Pasifik serta Lautan Hindi.

Antaranya ialah satelit Tiangong-1 pada 2018 dan Long March 5B pada 2022.

Serpihan satelit berkenaan pernah ditemui terapung di kawasan perairan Sarawak dan Kalimantan, Indonesia.